

## **BASES CAMPAÑA CÁRATE CON NÓS 2012**

### **1) OBXECTO**

A Asociación Centro Comercial Local Estrela de Marín, desenvolverá dende o 20 de xaneiro ao 21 de decembro de 2012, ambos inclusive, a promoción comercial “**CÁRATE CON NÓS 2012**”. Esta Campaña pretende premiar a fidelidade dos clientes, transmitíndolle aos consumidores un atractivo promocional que incentive a realización das compras nos establecementos asociados, ofrecendo a posibilidade de acadar descontos e premios polas súas compras.

### **2) ÁMBITO DA PROMOCIÓN**

Esta promoción terá o seu ámbito nos establecementos comerciais e demais empresas integradas na asociación, que decidan voluntariamente participar na mesma (sempre e cando os mesmos se atopen abertos ao público e en normal funcionamento durante o período indicado).

As bases estarán dispoñibles na páxina web [www.estrelademarin.es](http://www.estrelademarin.es).

### **3) PREMIOS:**

O premio que se sorteará o 21 de decembro de 2012 ás 12 horas, na sede social da asociación sita na Rúa Real nº 10 baixo, consistirán en:

- 1 vale - compra de 300 €, para consumir nos establecementos participantes.

### **4) DESCONTOS**

Os establecementos participantes na campaña, aplicarán un desconto ou obsequiarán cun agasallo, ás parellas de noivos que participen na campaña e que merquen en alomenos 5 establecementos.

Os descontos que aplica cada establecemento, poderanse consultar na web: [www.estrelademarin.es](http://www.estrelademarin.es)

## **5) DEREITO A PARTICIPAR E ACCESO Á PROMOCIÓN.**

Trátase dunha promoción de balde dirixida ás parellas que vaian contraer matrimonio durante o ano 2012. Poderá participar calquera parella que realice algunha compra ou servizo no comercio ou empresa asociada durante o período de vixencia da promoción (do 20 de xaneiro ao 21 de decembro).

Ás parellas entregaráselles un díptico o cal, os establecementos selarán ao realizar o acto de compra. Unha vez que acaden 5 selos de diferentes establecementos, aplicaráselles os descontos e poderán entrar no sorteo do vale compra de 300 €. Para isto deberán entregar o citado díptico, cumplimentando cos datos requeridos, na sede social da asociación, sita na Rúa Real nº 10 baixo – 36900 en horario de 08 a 15 horas.

A presente promoción farase con igualdade de oportunidades e con estricto respecto ás normas básicas da boa fe. Por elo, calquera utilización abusiva ou fraudulenta destas Bases dará lugar á conseguinte exclusión do participante na promoción.

Todos os datos introducidos polo participante deberán ser veraces. No suposto de que o participante cumplimentase o díptico con datos falsos ou utilizara de xeito inadecuado, non se terá en conta e quedará excluído da promoción e da posibilidade de optar a premio algún. Do mesmo xeito, aqueles nos que non estén debidamente cubertos, ou non teñan como mínimo 5 selos de establecementos diferentes, non terán opción a participar no sorteo.

A constatación de calquera destas circunstancias suporá a descalificación automática do participante. No caso de constatar as citadas irregularidades con posterioridade á aceptación do premio, ESTRELA DE MARÍN, resérvase o dereito a exercer todas as accións legais que lle asistan contra os infractores.

## **6) ENTREGA E ACEPTACIÓN DOS PREMIOS**

ESTRELA DE MARÍN, porase en contacto coas parellas gañadoras dos vales compra, nos números de teléfono facilitados nos dípticos, a partir das 12.10 horas do 21 de decembro.

Para elo realizáranse dous intentos de comunicación telefónica, durante ese día. Unha vez contactado o gañador deberá confirmar no momento da chamada a súa aceptación do premio. No suposto de que o gañador non aceptara o premio nas condicións e prazos establecidos ou non puidera ser localizado mediante os datos facilitados, pasarase a identificar aos suplentes por orden, seguindo idéntico proceso. De resultar infructuoso o intento, o premio quedará deserto.

Ningún dos premios da presente promoción poderá ser obxecto de cambio, alteración, compensación o cesión a petición dos gañadores.

Os vales - compra entregaranse o 12 de xaneiro de 2013 ás 10 horas, e os premiados disporán ata as 13 horas para gastar o seu vale.

## **7) LIMITACIÓNS PARA PARTICIPAR**

ESTRELA DE MARÍN resérvase o dereito, se concurre causa xusta e previa comunicación de xeito legal, a efectuar calquera cambio, suspender ou ampliar esta promoción. A simple participación implica a aceptación destas Bases na súa totalidade, polo que a manifestación, no sentido da non aceptación das mesmas, implicará a exclusión do participante e, como consecuencia, ESTRELA DE MARÍN, quedará liberada do cumprimento da obriga contraída con dito participante.

Así mesmo, os participantes comprométese a admitir a decisión interpretativa que ESTRELA DE MARÍN poida darlle sobre as presentes bases ou sobre calquera cuestión derivada da promoción contemplada nestas.

## **8) EXONERACIÓN DE RESPONSABILIDADES**

- ESTRELA DE MARÍN non se responsabiliza do uso que do premio realice o agraciado e non será responsable dos servizos nin produtos que terceiras empresas deban prestar con motivo do premio desta promoción.
- ESTRELA DE MARÍN non será responsable si ao tratar de contactar co teléfono do gañador ou o seu correo electrónico están fóra de servizo ou non o reciben axeitadamente.

## **9) DEREITOS E DEBERES DE PARTICIPANTES E GAÑADORES.**

### **REPERCUSIÓN FISCAL**

ESTRELA DE MARÍN non se fará cargo dos impostos derivados da entrega dos premios, salvo aqueles que por lei lle correspondan satisfacer, e, no seu caso, practicará o ingreso a conta ou a retención que poida corresponderlle en virtude da lexislación aplicable.

- De conformidade coa normativa do IRPF os premios desta promoción estarán suxeitos á normativa fiscal en vigor en cada momento, actualmente a Lei 35/2006, de 28 de novembro do IRPF e o Real Decreto 439/2007, de 30 de marzo polo que se aproba o Regulamento do IRPF.  
Neste marco legal, establécese que os premios derivados da participación en xogos, concursos, rifas, ou combinacións ao azar vencelladas á venda e promoción de bens e servizos están suxeitos ao ingreso a conta sempre e cando a base de retención ou ingreso á conta do premios sexa superior a 300 €.
- ESTRELA DE MARÍN queda relevado de calquera responsabilidade relativa ás obrigas fiscais que para o agraciado puideran derivarse da obtención do premio.

## **TRATAMENTO DOS DATOS DE CARACTER PERSOAL**

A efectos de dar cumprimento a L.O.15/1999, de 13 de decembro, de Protección de datos de carácter persoal, ESTRELA DE MARÍN informa de que os datos proporcionados polos **participantes** NA CAMPAÑA poderán ser incorporados a un fichero automatizado, denominado PROMOCIÓN, CAMPAÑAS E SORTEOS responsabilidade da entidade, coa finalidade de xestionar a súa participación na presente promoción así como poder informarlle por calquera medio sobre produtos, promocións ou servizos, así como para o uso interno dos mesmos e o envío de comunicacións relativos aos aspectos anteriores.

Os participantes poderán exercer os dereitos de acceso, rectificación, cancelación e oposición mediante comunicación escrita via e-mail a [info@estrelademarin.es](mailto:info@estrelademarin.es) ou enviando ao enderezo Rúa Real nº 10 baixo en Marín, Pontevedra.

ESTRELA DE MARÍN adoptará as medidas técnicas e organizativas necesarias para garantir a seguridade e integridade dos datos, así como para evitar a súa alteración, perda, tratamento ou acceso non autorizado.

## **CESIÓN DE DEREITOS DE IMAXE**

Os gañadores desta promoción autorizan a ESTRELA DE MARÍN a reproducir, utilizar e difundir o seu nome, apelidos, enderezo e imaxe en calquera actividade publicitaria e/ou promocional que esté relacionada con esta promoción, todo elo en calquera medio e sen que ditas actividades lles confira dereito de remuneración ou beneficio algún coa excepción feita da entrega do premio gañado conforme a estas bases. A cesión inclúe todos os dereitos de reprodución, transformación, distribución e comunicación pública da grabación ou imaxes captadas, sen limitación de tempo nin territorio.

## **10) ACEPTACIÓN DAS BASES**

A participación na presente promoción supón a aceptación íntegra das presentes bases e a sumisión expresa das decisións interpretativas que das mesmas efectúe ESTRELA DE MARÍN. No caso de diverxencia entre os participantes na promoción e a interpretación das presentes bases por ESTRELA DE MARÍN, serán competentes para coñecer dos litixios que poidan plantexarse os Xulgados e Tribunais de Marín, renunciando expresamente os participantes desta promoción ao seu propio fuero, de resultar distinto ao aquí pactado.

**En Marín a 20 de xaneiro de 2012**